



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გველის სურო

გველის სურო (*Vinca*), მცენარეთა გვარი ქენდირისებრთა ოჯახისა. მრავალწლოვანი ბალახებია. ევროპასა და დას. აზიაში გავრცელებულია 7 სახეობა; საქართველოში – 2 – *V. herbacea* და *V. pubescens*. მათგან პირველი უფრო ფართოდ არის გავრცელებული. მისი ღეროები (როგორც უნაყოფო, ისე ნაყოფიანი) გართხმული ან წამონეული და შიშველია. მოლურჯო-იისფერი ყვავილები და თითქმის მჯდომარე ფოთლები აქვს. ყვავილობს აპრილ-მაისში. იზრდება მთის შუა სართყლის ბუჩქნარებსა და ფერდობებზე. ორივე სახეობა სამკურნალოა, შეიცავს ალკალოიდებს – აკუმაცინს, ვინკამინს, ვინინს, პუბესცინს, რებერპინს და სხვ. მათგან დამზადებულ პრეპარატებს (დევინკანი, ვინკაპანი) იყენებენ ჰიპერტონიული დაავადების დროს.

გ. შენგელია
